

DEO OPT. MAX.

UNI ET TRINO,

VIRGINI DEI-PARÆ, ET S. LUÇÆ,

Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS

manè discutienda in Scholis Medicorum, die Jovis decimâ-nonâ
mensis Novembris Anno Domini M. DCC. LXVII.

P RÆSIDE

M-FRANCISCO PORTIER DE LA HOUSSINIERE

DOCTORE MEDICO.

An Apoplexia sanguinea simultanea per incisam temporalem arteriam venamque
jugularem adversam sanguinis missio?

I.



MNEM medicinam naturæ imitationem non immeritò dixeris, nec fuit usquam aliàs ars nostra felicior, quàm ubi genuinis ejusdem appetitibus obsequiosa paruit. Omne tulisse punctum in medicis videtur qui cum abso'utâ naturæ notitiâ, ampliorem artium, quibus ipse a sese à morbis tuetur expeditque, scientiam conjunxit. Sive namque redundantem in ventriculo morbi materiam emeticis tollas auxiliis, aut in intestinorum tractu nidulantem per cathartica deorsum detrudas, sive circulationis alveum ingressam, auctâ languidiore, vel imminutâ valentiore reciprocâ solidorum ac fluidorum actione, coquere, coctamque per bechica, vel diuretica, vel sudorifica propul'sare tentes, naturam utique sequeris. quæ vomitus ultro, diarrhæasque spontaneas primum, remittentes dein febrium motus adhibere novit, quibus abscondita morborum semina domet ac sub'gat, & ipsa per pectus, aut renes ac vesicam criticè, vel referatas cutis meatus è corpore tandem eliminat. Neque dissimili ratione Medicus agrotantes à doloribus anodynis vindicare studet, aut morbum ad illis corpori partes vellicantibus advocare, quæ minimùm ab abscessibus ulceribusque metuendum habere deprehenduntur. Quàm bene naturam æmulatur adeò pie, a deo sanctè crudelis Chirurgia, vulnere quoties inquinata sordibus emundat, amicioribus balsamorum mialmatibus irrorat & imbuat, plumaceoli mollibus confovet, vel & ubi ferro & igne armata protuberantes cariei latebras reteggit, fecat, urit; carnes gangrænâ tentatas scarificat; membra fiderata rescindit! Finis esset huic positioni nullus, si singula perstringere vellem in quibus salutaria naturæ molimina medicæ artes bene docta manus imitatur. Sanguineam huc in exemplum attulisse sufficiat apoplexiam, cui tollendæ simultaneam, per incisam temporalem arteriam, venamque jugularem adversam, sanguinis minutionem inter alia medicamina conducere iis rationum momentis probare conabor, quæ, nisi ab experientiâ penitus, ab exquisitiore saltem analogiâ sic derivabuntur, ut parem omninò vim obineant, propositumque remedium vel timidioribus tutissimum, & cunctis, certò profuturum esse videatur.



VERA solaque naturæ vox *indicatio*; & optimè medetur qui per opportunam *indicatorum* applicationem ipsi respondere didicit. Ut autem in omni morbo, sic in eâ specialius, de quâ hic agitur, apoplexiâ, à signis proximam morbi causam declarantibus illa vox eruitur. Omisiss porro variis apoplexiarum speciebus, quæ copiosiores in capite pituitam, aut in motum actum perfulmen electricitatis materiem, aut induratas rigidorum articularum obstructions, morbososque varios ossium tumores causam habent, singula si considerentur tum quæ futuram præcedunt ac nuntiant apoplexiam, tum quæ præsentem comitantur, phænomena, ea quotquot sunt reperientur cerebrum à sanguine affectum clarissimè ostendere. Primum enim si in eos tantisper oculos conicias, quos apoplecticis insultibus obnoxios esse huc usquè visum est, ipsos agnosces sic à naturâ conditos, ut crassum ac pingue breviori in cervice caput gerant, mediocri corporis habitu, optimis verò facultatibus donentur. Ollis vitæ vires valentissimas, viscerumque chilopoieticorum robur immane, & calidissimum, ut aiunt, largita est Natura temperamentum; undè ipsos necessario sanguineos esse verè concludes, iidem procedente ætate, parùm creverunt, quòd Veneri Bacchoque litavere maturius: nunc autem quia lauris opiparis quæ mensis abutuntur, somnisque longioribus indulgent, verà laborant plethorâ, sæcundâque malis cacochymiâ. Neque cernere te pigeat ut erecto stent corpore basibus fundari ad unguem resectis, uti hilares ipsis oculi splendeant, fucoque genæ rubeant & labra Phænicæo, ut latissimum in pectus triplex ipsimet mentorum ordo gradatim illabatur, floridaque facies & nitens in toto corpore sanitas nestoreos annisdem polliceri videantur. Verùm nec tu dolo so huic nimium fides color. Propter enim insauitissima rerum mutatio, pressoque ipsos urget pede morbum cohors numerosissima. Fatalis illa præprimis instat de quâ dicimus apoplexia, quam *ictum sanguinis* ritè appellatam esse demonstrant tum quæ prænimis vel & brevitatis causâ omisiss *antecedentia*, tum quæ sequuntur *diagnostica* morbi phænomena. Præfens etenim ubi adest malum, violaceo colore frons & genæ tinguntur ægro, labraque plus minusvè distorquentur. Nalus ipsi jam antea rubicundus atque tuberosus atro nunc rubore suffunditur; collum tumet & oculi lacrymis manant invito. Subitus intereâ capitis dolor, idemque sævit acutissimus, visus obscuratur, strident dentes, extrema frigent, editoque clamore stertit idem attonitus ac sensibus expers, & pectus ipsi met spirando impar quasi vinculo constringitur, idque unum superest misero, quod nonpræfocatur.

I I I.

NEQVE verò proflusoribus altioris Physiologiæ ratiociniis opus est, ut signa hæc id ostendere constet quod ea ostendere dicimus. Etiam si namque semiotica deficerent argumenta, non idèò tamen deesset ab Autopsiâ certitudo, quæ interna um non secus ac externarum capitis partium vasa, in hominibus sanguinis ictu peremptis, sanguine turgida vel disrupa, totamque cerebri substantiam apparere eodem latice saturam ac penitus ingurgitatam usquè retexit. Idem etiam probaret singularis ille modus quo natura morbum hunc solvere consuevit, dum hæmorrhagias ciet copiosiores ac topicas, vel sanguineas creat diffisis in locis stases, ut partes impeditæ sese facilius expedire valeant. Clarissimè igitur apparet summum ac palmarium in eo affectu remedium esse debere sanguinis minutionem. Et reipsâ, investigatâ sedulò morbi causâ, illud primum ac præcipuum ab omni ævo tentavere Medici, ut nimiam tollerent vitalis liquidum copiam undè præsentia natales habere mala videbantur. Cum autem non sola minutio generalis hic indicata videatur, verùm illa præprimis exoptanda sit valorum evacuatio, quæ interiora capitis organa liberet efficacius, in eo præsertim:

discrepaverunt Therapeutæ, ut partem assignarent corporis in quâ sanguiferorum canalium celebrata sectio rectius ad finem intentum conduceret atque potentius conferret. Hinc consuetæ brachiales in venas phlebotomiæ multi sapientiæ apertionem anteposuerunt, alii raninas secare maluerunt, venas jugulares incidendas commendaverunt alii, nec desuere plurimi, quibus peragenda temporale in arteriam multò suavius arrideret operatio. Quemadmodum autem evidentibus Physiologiæ Pathologiæque principiis innixum est sanguinæ molis imminutionem præsentissimam esse in apoplexiâ sanguineâ medicinam, ita certissimè constare debet, ipsam tantò plus eodem in affectu profuturam esse, quantò in vicinioribus loci affecti locis celebrabitur vasorum incisio, & illo præcipuè modo, qui promptius vasa cerebri vacuet, ejusque substantiam celerius atque valentius expediat. Hinc ex propositis operationibus nullam magis ad salutem ægri conferre ducimus quàm venarum jugularium, arteriæque temporalis apertionem, illudque tantummodò superest ostendendum, tantò magis profuturum esse propolium à nobis remedium, quod simultanea fiat per incisam arteriam venamque adversam sanguinis imminutio..

I V.

ILLUDe observationibus pathologicis, experimentisque physiologicis stabilitum, ex incisâ quâlibet corporis arteriâ sanguinem ita profluxurum esse, ut in syncopen, ipsamque mortem abeat homo, nisi modo quocumque sistatur hæmorrhagia. Certum est etiam tunc mori hominem, quia sanguine defraudatur quo indiget, ut vivat, tantòque celerius eum perire, quantò majorem vitalis liquidi copiam aperta capir arteria. Constat ergò fieri tunc vasorum omnium inanitionem, idèdque sanguinæ molis imminutionem. Præterea ea est vasorum corporis humani conditio, ut singuli unius trunci rami acceptum à corde sanguinem inter se partiantur servatâ tandemmodò ratione capacitarum. Nec enim plurimum huc facere videntur vasorum anguli, ipsorumque divisiones. Evidens est ergò vasa tantò plus fluidi esse admissura, quantò ampliora erunt, flexilioraque & dilatabilia, minorque erit laticis moles jam antea propulsi, & novo advenienti fluido obfistensis. Si quis igitur alicujus trunci arteriosi ramus lanceolâ pertundatur, tollitur illicò pars magna resistentiarum in illo, idèdque copiosiores illicò recipit à communi trunco liquidi quantitatem, dum proportionè factâ, minorem sortiuntur ab eodem trunco liquidi illius portionem aliæ ramificationes. Temporalis ergò si secetur arteria, minorem utiquè ipsius parietes opponent sanguini à carotidis externæ trunco affluentem resistentiam, adeòque majorem, quàm ante sectionem, sanguinis copiam admittet. Ipse ergò carotidis externæ truncus jam indè capaciôr factus plus à communi carotidum trunco, & consequenter à corde sanguinis accipiet, minoresque interei carotis interna ejusdem laticis fluctus ad cerebrum obvolvet. Minor igitur adit ab arterioso sanguine in venosum per vasa cerebri quasi stagnantem impetus, restitutâque proindè suâ solidis elasticitate, longè faciliôr inibi circulaturo laticè via parabitur. Notum est insuper animi deliquium, ipsamque mortem perindè ab evacuatione sanguinis per dissectam venam accidere, quæcumque tandem vena secetur, modò certam habeat alicujus momenti diametrum. Neminem fugit ab evacuatione tali arteriarum pulsus minui atque crebrescere, undè phlebotomia non secus ac arteriotomia certissimè vasorum inanitionem parit, ac proindè sanguinæ molis imminutionem, debilioremque ab arteriosis fluctibus in venosos arduè meantes arietationem. Temporalis igitur arteriæ sectio non secus ac venæ jugularis incisio mirum in modum materiæ apoplexiam sanguineam facientis resolutioni favet; quantò igitur potentius fauvebit eidem utraque, si simultanea concurrat utriusque efficacia?

TANTO meliori jure adhiberi simultanea temporalis arteriæ, venæque jugularis aperiatio potest, quòd arteriam primum, venamque dehinc, & ipsam arteriæ adversam, aperiendam esse commendabimus. Injectum enim venæ jugulari vinculum necessario sistit in illo vase sanguinem, ideòque, quando peragitur inibi phlebotomia, causa morbi necessario augetur cui tollendæ Medicus incumbit, indeque ratio patet cur ante jugulari in incisionem, phlebotomiam in brachio, vel in malleolo, præscribere soleant Clinici. Verùm si priusquam vena jugularis aperiatur, incidatur arteria temporalis, nullatenus iam celebrandâ in aliis partibus venæ sectione indigemus, idque ex iis quæ præmissimus facillimè percipietur. Præterea dum jugularem temporali adversam secamus, non impedit effluens ex arteriâ cruor quominus agat Chirurgus, operationem que suam perfectius absolvat. Neque verò ullâ ratione objiceres nimiam effluxuram esse sanguinis quantitatem, si, quemadmodum hic suademus, vasa duo simul aperiuntur: indicatio namque præsens profusam ac repetitam expositulæ sanguinis emissionem, naturamque imitatur evidentissimè, quæ largas toties per arterias venasque disruptas in salutem apoplecticorum hæmorrhagias exfulscitat. Neque potiori jure frustraneum ac periculosum opponeres offerri remedium, cujus effectus nullo rerum usu, nullis experimentis comprobentur: præterquam quòd enim istud objectionis genus, si valeret, arti promovendæ quamplurimum officeret, ejusmodi est propositum à nobis remedium, ut indicationem adimpleat, evidentioribus theoriæ medicæ principis, perfectissimæque analogiâ fulciatur; ut ab omnibus, sigillatim quidem, Medicis usurpetur, sed, si ex universali medendi normâ conicere liceat, conjunctim applicandum tacite, ut ita dicam, ab omnibus desideretur. Solutis igitur solvendis concludemus:

Ergo Apoplexia sanguinea simultanea per incisam temporalem arteriam venamque jugularem adversam sanguinis missio.

DOMINI DOCTORES DISPUTATURI.

M. Jacobus-Ludov. ALLEAUME, Militarium Nosocomiorum in Regis exercitu nuper Medicus.

M. Martinus NOUGUEZ.

M. Guido-Andreas GARNIER, in Infulis Martini & Guadalupæ Consiliarius Regis Medicus ordinarius.

M. Claud. Fran. GRANDCLAS, Eques, Stanislaus I. Poloniarum Regis olim Consiliarius Medicus & Regiorum exercituum à Consiliis Medicis.

M. Ludovicus - Alexander GERVAISE, Bibliothecæ Facultatis, Præfectus.

M. Laurentius FERRET, Ecclesiæ Cameracensis Canonicus.

M. Joannes - Franciscus - Clemens MORAND, Castrorum & exercituum Regis nuper Medicus, nunc in Regiâ Invalid. domo Coadjutor Medici renunciatus, è Regiâ Scientiarum Acad. Paris, necnon Academiâ. Stokolmiæ, Martirii, Florent. Rothomag. Lugduni Socius, Regii Medicor. Nancæianor. Collegii Socius honorarius; illius iidem, quod est Leodi, Assessor honorarius.

M. Ambrosius HOSTY.

M. Joannes - Jacobus BELLETESTE, Facultatis ex-Decanus & Academiæ Censor.

Proponebat Parisiis THOMAS LEVACHER DE LA FEUTRIE Ebroïcensis, Doctor Medicus Cadomensis, & Saluberrimæ Facultatis Parisiensis Baccalaureus, Theses Auctor A. R. S. H. 1767. A SEXTA AD MERIDIEM.